



Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Na osnovu člana VI (2) Ustava Federacije Bosne i Hercegovine („Službene novine FBiH“, broj 1/94 i 13/97), člana 13. stav 2 alijena 1. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06), člana 7. Zakona o izboru, prestanku mandata, opozivu i zamjeni načelnika općina u Federaciji Bosne i Hercegovine („Službene novine FBiH“, broj 19/08) i člana 125. Statuta Općine Breza („Službeni glasnik Općine Breza“, broj 10/07), Općinsko vijeće Breza na sjednici održanoj dana 29.05.2008. godine, d o n o s i

## **ODLUKU** **o izmjeni i dopuni Statuta Općine Breza**

### **Član 1.**

Član 36. Statuta Općine Breza („Službeni glasnik Općine Breza“, broj 10/07) mijenja se i glasi:

„Općinskog načelnika za vrijeme privremene spriječenosti ili odsutnosti zamjenjuje dužnosnik ili djelatnik općinskog organa uprave kojeg on ovlasti.

Dužnost Općinskog načelnika u slučaju prestanka mandata u smislu člana 5. Zakona o izboru, prestanku mandata, opozivu i zamjeni načelnika općina u Federaciji Bosne i Hercegovine i u slučaju opoziva u smislu člana 6. istog Zakona, do ponovnog izbora načelnika vrši osoba izabrana od Općinskog vijeća, natpolovičnom većinom glasova od ukupnog broja vijećnika Općinskog vijeća“.

### **Član 2.**

Ova Odluka stupa na snagu osmog dana od dana objavljivanja u „Službenom glasniku Općine Breza“.

Broj: 01/1-02-1599/08  
Breza, 29.05.2008. godine

**PREDSJEDAVAJUĆI**  
Općinskog vijeća  
Vinko Pandža, s.r.

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Na osnovu člana 13. stav 2. alenija 5. Zakona o principima lokalne samouprave („Službene novine FBiH“, broj 49/2006), člana 115. stav 2. Statuta Općine Breza („Službeni glasnik Općine Breza“, broj 10/07), Općinsko vijeće Breza, na sjednici održanoj 29.05.2008. godine, d o n o s i

## **O D L U K U**

### **o privremenom zauzimanju javnih površina na području Općine Breza**

#### **I – OPĆE ODREDBE**

##### Član 1.

Ovom odlukom utvrđuje se šta se smatra javnom površinom, način korištenja javne površine, izdavanje odobrenja za zauzimanje javne površine i nadzor nad provođenjem ove odluke.

##### Član 2.

Javnim površinama u smislu ove Odluke, smatraju se:

1. ulice, trotoari, putevi, staze, prilazi, pasaži, trgovi, stepeništa van zgrada, parkirališta, pristupni platoi i pješačke staze,
2. zelene površine, parkovske staze, drvoredi, prirodna područja, travnjaci i slično,
3. autobuska i taksi stajališta,
4. neograđene površine, dvorišta stambenih i stambeno-poslovnih objekata u društvenoj svojini, koje ne služe redovnoj upotrebi zgrada odnosno objekata,
5. otvoreni pijačni i tržišni prostori,
6. sportski, rekreativni i zabavni tereni na otvorenim prostorima,
7. neizgrađeno građevinsko zemljište.

##### Član 3.

Javne površine mogu se davati na privremeno korištenje za slijedeće namjene:

1. za postavljanje ljetnih bašti, odnosno postavljanje stolova i stolica uz postojeći ugostiteljski objekat,
2. za postavljanje svih vrsta tezga, stolova i sl. pokretnih objekata, radi obavljanja prodaje i propagande,
3. za postavljanje aparata i uređaja za prodaju osvježavajućih pića (mikseri, sladoleda, pečenja, prodaja kestenova, kokica i slično),
4. za pružanje usluga, čišćenja obuće, vaganje, fotografisanje, pokretnu prodaju srećaka, novina i slično,
5. za privremeno uskladištenje i prodaju poljoprivrednih proizvoda, mašina, građevinskih mašina, ogrijeva i slično,
6. za postavljanje građevinskih skela,
7. za organizovanje parkirališta i taksi stajališta,
8. za parkiranje vozila iz kojih se neposredno obavlja prodaja,

9. za postavljanje cirkusa, luna-parkova, ringišpila i drugih uređaja za zabavu,
10. za postavljanje reklamnih panoa,
11. slobodno-stojeće bašte.

**Član 4.**

Zauzimanje javnih površina vrši se po zahtjevu stranke, a u skladu sa članom 3. ove Odluke.

**Član 5.**

Uz zahtjev za izdavanje odobrenja za zauzimanje javne površine, potrebno je priložiti:

- a) za zauzimanje javne površine iz člana 3. tačke 2. i 3. dokaz da ima odobrenje djelatnosti za koju se traži zauzimanje javne površine lica, koja imaju prebivalište van Breze, odnosno akt o registraciji preduzeća po kojoj je registrovan za obavljanje djelatnosti za koju traži zauzimanje javne površine:
  - uvjerenje o izmirenju poreskih obaveza,
  - situaciju okolnog prostora sa ucrtanim mjestom koje se koristi,
  - sanitarnu saglasnost (za lociranje rashladnih uređaja).
- b) Za fasadnu skelu i deponovanje građevinskog materijala:
  - građevinsku dozvolu,
  - skicu zauzimanja dijelova javne površine.

**Član 6.**

Odobrenje za zauzimanje javne površine može se izdati, ako su ispunjeni slijedeći uslovi:

- da zauzimanje javne površine ne ometa bezbjednost odvijanja motornog i pješačkog saobraćaja,
- da se ne ometa pristup okolnim objektima, podzemnim i drugim instalacijama,
- da se ne uništavaju zelene površine,
- da podnosilac zahtjeva posjeduje dokumentaciju navedenu u članu 5. i 6. ove Odluke.

**Član 7.**

Rješenjem nadležnog organa izdaće se odobrenje za zauzimanje dijelova javne površine i utvrditi obaveze plaćanja naknade za istu.

Odobrenjem za zauzimanje dijelova javne površine, određuje se lokalitet, dimenzije i vremenski period zauzimanja javne površine.

Nakon isteka važnosti rješenja, podnosilac zahtjeva može tražiti izdavanje novog rješenja.

**Član 8.**

Za zauzimanje dijelova javne površine, podnosilac zahtjeva je dužan prije dobivanja odobrenja za zauzimanje javne površine izvršiti plaćanje odgovarajuće naknade.

**Član 9.**

U odobrenju za zauzimanje dijela javne površine u cilju rješenja radova na čišćenju, opravci vanjskih dijelova zgrada i njihovo uređenje (krova, oluka, fasade i slično) utvrdit će se obaveza za izvođača radova da u svrhu upozorenja učesnika u saobraćaju mora na mjestu izvođenja radova postaviti propisane oznake, po kojima će biti vidljivo da je prolaz opasan. Ako se prilikom izvođenja radova ošteti javna površina, izvođač je dužan izvršiti opravku u roku od 48 sati od časa nastanka iste.

U slučaju da izvođač u određenom roku ne izvrši opravku, organ nadležan za izdavanje odobrenja izdaće nalog ovlaštenoj organizaciji za opravku oštećenih površina o trošku izvođenja radova.

**Član 10.**

Odobrenjem za zauzimanje dijela javne površine za slaganje i pripremu građevinskog materijala utvrdiće se obaveza izvođača radova da zauzetu javnu površinu ogradi i označi propisanim znacima i time omogući bezbjedan prolaz pločniku i ulicom, te da ne ometa odvijanje saobraćaja kao i da ne vrši oštećenje zgrade, ulice i pločnika.

Građevinski materijal se mora složiti i u redu držati, a osim toga mora se obezbjeđiti i normalno oticanje oborinskih voda.

Za sve eventualne štete odgovoran je izvođač radova.

**Član 11.**

Organ uprave može izdati odobrenje za zauzimanje dijela javne površine ispred poslovnog prostora preduzeća radi prodaje njegovih proizvoda u skladu sa članom 5. ove Odluke.

**Član 12.**

Organ uprave može izdati odobrenje za korištenje javne površine radi:

- prodaje čestitki povodom državnih praznika, nedjelje Crvenog krsta i slično, te
- prodaje ulaznica za sportske i druge kulturno-zabavne manifestacije, a pod uslovima predviđenim ovom Odlukom.

**Član 13.**

Zauzeta javna površina ne može se koristiti protivno namjeni za koju je izdato odobrenje za zauzimanje javne površine, niti dati na korištenje drugom licu.

U slučaju da se javna površina koristi suprotno odredbama prethodnog stava nadležni organ će donijeti rješenje o oduzimanju javne površine.

**Član 14.**

Iznos naknade za zauzimanje javne površine utvrđen je Odlukom o građevinskom zemljištu.

**II – N A D Z O R****Član 15.**

Nadzor nad provođenjem ove Odluke vrši općinska služba za inspekcijske poslove.

## III – PRELAZNE I ZAVRŠNE ODREDBE

## Član 16.

Stupanjem na snagu ove Odluke, prestaje da važi Odluka o privremenom zauzimanju javnih površina na području Općine Breza broj: 01/1-023-147/96 od 11.aprila 1996. godine.

## Član 17.

Ova Odluka stupa na snagu osmog dana od dana objavljivanja u „Službenom glasniku Općine Breza“.

Broj: 01/1-02-1518/08  
Breza, 29.05.2008. godine

PREDSJEDAVAJUĆI  
Općinskog vijeća  
Vinko Pandža,s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Na osnovu člana 41. stav 3. i člana 42. stav 4. Zakona o prostornom uređenju („Službene novine Zeničko-dobojskog kantona“, broj 2/04 i 2/08) i člana 115. stav 2. Statuta Općine Breza („Službeni glasnik Općine Breza“, broj 10/07), Općinsko vijeće Breza na sjednici održanoj dana 29.05.2008. godine, d o n o s i

**O D L U K U****o ovlaštenju organizacije za davanje stručnog mišljenja  
u postupku donošenja urbanističke saglasnosti**

## Član 1.

OVLAŠĆUJE SE Kantonalni zavod za urbanizam i prostorno uređenje Zenica za davanje stručnog mišljenja u postupku donošenja urbanističke saglasnosti, za dijelove općine za koje nisu doneseni propisani dokumenti prostornog uređenja.

## Član 2.

Zavod daje stručno mišljenje do donošenja obaveznih dokumenata prostornog uređenja.

## Član 3.

Zavod je dužan provjeriti da je zahtjev usaglašen sa dokumentima prostornog uređenja šireg područja, zakonima koji neposredno ili posredno uređuju odnose u prostoru i propisima donesenim na osnovu tih zakona.

## Član 4.

Stručna ocjena treba da sadrži sve elemente neophodne za utvrđivanje urbanističko-tehničkih i drugih uslova izgradnje i korištenja građevine, odnosno vršenja drugih zahvata u prostoru.

## Član 5.

Stručna ocjena se obavezno ugrađuje u dokumente prostornog uređenja u postupku njihove izrade.

Član 6.

Općina će posebnim ugovorom regulisati odnose sa Kantonalnim zavodom za urbanizam i prostorno uređenje Zenica, uslove i rokove za davanje stručnih mišljenja, uz saglasnost Općinskog vijeća.

Član 7.

Odredbе ove Odluke primjenjivat će se 24 mjeseca od dana stupanja na snagu ove Odluke.

Član 8.

Ova Odluka stupa na snagu osmog dana od dana objavljivanja u „Službenom glasniku Općine Breza“.

Broj: 01/1-02-1519/08  
Breza, 29.05.2008. godine

PREDSJEDAVAJUĆI  
Općinskog vijeća  
Vinko Pandža,s.r.

---

Bosna i Hercegovina  
Federacija Bosne i Hercegovine  
Zeničko-dobojski kanton  
**OPĆINA BREZA**  
Općinsko vijeće

Broj: 01/1-02-1557/08  
Breza, 30.05.2008.godine

Na osnovu člana 115. stav 3. Statuta Općine Breza ("Službeni glasnik Općine Breza", broj 10/07), i člana 91 Poslovnika o radu Općinskog vijeća Breza ("Službeni glasnik Općine Breza", broj 2/2008),prilikom razmatranja inicijative o zabrani istresanja otpada(smeća) na lokaciji Površinskog kopa Koritnik, Općinsko vijeće Breza na sjednici održanoj dana 29.05.2008. godine d o n o s i,

**Z A K L J U Č A K**

**I**

Zabranjuje se istresanje otpada (smeća) , na lokalitetu Površinskog kopa Koritnik.

**II**

Realizacija tačke I . ovog zaključka odlaže se za 30 dana..

**III**

Da nadležne Općinske službe u saradnji sa RMU Breza, u roku od 30 dana od dana prijema zaključka, iznađu rješenje istresanja i deponovanja otpada (smeća) sa područja općine Breza.

**IV**

Ovaj zaključak stupa na snagu osam dana od dana objavljivanja u Službenog glasniku Općine Breza.

**DOSTAVLJENO:**

1x Služba za privredu finansije i opću upravu  
1x Općinski načelnik  
1x RMU Breza d. o.o. Breza  
1x MZ- Izbod  
1x Arhiva

**PREDSJEDAVAJUĆI**

Općinskog vijeća  
Vinko Pandža,s.r.

---

---

Bosna i Hercegovina  
Federacija Bosne i Hercegovine  
Zeničko-dobojski kanton  
**OPĆINA BREZA**  
Općinsko vijeće

Broj: 01/1-02-1605/08  
Breza, 30.05.2008.godine

Na osnovu člana 115. stav 3. Statuta Općine Breza ("Službeni glasnik Općine Breza", broj:10/07) prilikom razmatranja Programa sanacije gubitka u JP "Komunalno" d.o.o. Breza pripremljen po Zaključku Općinskog vijeća broj 01/1-02-554-1/08 od 28.02.2008.godine, Općinsko vijeće Breza na sjednici održanoj dana 29.05.2008. godine, donosi

**Z A K L J U Č A K****I**

**USVAJA SE** Program sanacije gubitaka u JP"Komunalno" d.o.o.Breza

**II**

Da se Općinsko vijeće i Općinski načelnik kvartalno obavještavaju o relizaciji Programa sanacije gubitaka u J.P. „Komunalno“ d.o.o. Breza broj: 01/2-05-695/08 od 15.05.2008. godine.

**III**

Ovaj Zaključak stupa na snagu osmog dana od dana objavljivanja u „Službenom glasniku Općine Breza.

**Dostavljeno:**

1x JP Komunalno d.o.o.Breza,  
1x Predsjednik Nadzornog odbora  
„Komunalno“ d.o.o.Breza ,  
1x Predsjednik Skupštine JP „Komunalno“ Breza,  
1x 01/1,  
1x a/a

**PREDSJEDAVAJUĆI**

Općinskog vijeća  
Vinko Pandža,s.r.

---

---

Bosna i Hercegovina  
Federacija Bosne i Hercegovine  
Zeničko-dobojski kanton  
**OPĆINA BREZA**  
Općinsko vijeće

Broj: 01/1-02-1495/08  
Breza, 30.05.2008.godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 10/07) prilikom razmatranja Izvještaja o radu i poslovanju Javnog preduzeća „Veterinarska stanica“ d.o.o. Breza za 2007. godine, Općinsko vijeće Breza na sjednici održanoj dana 29.05.2008. godine, donosi

## **ZAKLJUČAK**

### **I**

**USVAJA SE** Izvještaj o radu i poslovanju Javnog preduzeća „Veterinarske stanice“ d.o.o. Breza za 2007. godinu.

### **II**

**USVAJA SE** Program rada za 2008. godinu Javnog preduzeća „Veterinarska stanica“ d.o.o. Breza.

### **III**

Ovaj Zaključak stupa na snagu osmog dana od dana objavljivanja u „Službenom glasniku Općine Breza“.

Dostavljeno:

1x JP Vetrinarska stanica Breza,  
1x Predsjednik UO Veterinarske stanice ,  
1x 01/1,  
1x a/a

**PREDSJEDAVAJUĆI**

Općinskog vijeća  
Vinko Pandža,s.r.

---

---



## S A D R Ź A J

- 95. Odluka o izmjeni i dopuni Statuta Općine Breza.
- 96. Odluka o privremenom zauzimanju javnih površina na području Općine Breza.
- 99. Odluka o ovlaštenju organizacije za davanje stručnog mišljenja u postupku donošenja urbanističke saglasnosti.
- 100. Zaključak o zabrani istresanja otpada (smeća) na lokalitetu Površinskog kopa Koritnik.
- 101. Zaključak o usvajanju Programa sanacije gubitaka u JP „Komunalno“ d.o.o. Breza.
- 102. Zaključak o usvajanju Izvještaja o radu i poslovanju Javnog preduzeća „Veterinarske stanice“ d.o.o. Breza.  
Zaključak o usvajanju Programa rada za 2008. godinu Javnog Preduzeća „Veterinarska stanica“ d.o.o. Breza.

